

Öise Lade 9-2012, p. 54

Nus avain visitas. Ils giasts han prendi piazza e gaudan l'aperitiv. «Tge datti in summa tschaina?», ma dumonda in dals giasts. «Oz faschainsa ina saira taliana. L'emprim datti in'insalata caprese, lura lasagne da verdura e sco dessert spaghettis», di jau per als far



In menu

sanestrà

gust. «Spaghettis sco dessert?», ma dumondan els tut surstads. Jau surri e vom en cuschina per semtgar l'avantpast.

Da dalunsch aud jau a discutir els, sche bain i pudess dar vermicelles. «Na», di ina da las dunnas, «vermicelles n'è betg ina tratga taliana!» «Forsa ans serva ella era simplamain quels spaghettis da zutger ch'ins cumprava d'uffant al kiosk. Quels pudessan nus lura mintgamai mangiar en dus – in da mintga vart fin ch'ins s'inscuntra entamez ad in bitsch!» Jau aud co ch'els rin e sa diverteschon. «Vus mo studegiai anc in pau», pens jau per mai e springel ils fegls da basilic sur ils plats da salata quasi prontos.

«Tgi prenda in café?», dumond jau pli tard en la runda. «Quai dependa in pau tge che ti ans servas sco dessert», di in dals umens che sesa enturn la maisa. «Sche bun pia, lura vegn jau ora cun il marmugn: i dat spaghettis caramelisads cun surengiu mel d'avieuls, sesam e chanella.»

Jau port ils gnies dultschins ed ils giasts als laschan plaschair, forsa era perquai ch'ins po sa chapescha era mangiar quests spaghettis en dus.

Bun divertiment d'embarassar era Voss giasts cun pizza, lasagne e spaghettis dultschs e stai bainin!



Angela Schmed

